

摘藻堂四庫全書薈要

集部

欽定四庫全書薈要

集部

梅溪後集卷二

詳校官助教臣謝登雋



欽定四庫全書薈要卷一萬五千八百五十七

集部

梅溪後集卷一

宋 王十朋 撰

賦

會稽風俗賦

并叙

荀司馬相如作上林賦設子虛烏有先生亡是公三人  
相答難子虛虛言也烏有先生者烏有是事也亡是公  
者亡是人也故其詞多夸而其事不實如盧橘黃柑之  
類蓋上林所無者猶莊生之寓言也余賦會稽雖文采

不足以擬相如之萬一然事皆實錄故設為子真無妄  
先生有君答問之辭子真者誠言也無妄者不虛也有  
君者有是事也以反相如之說焉

有客過越自稱子真介于無妄先生贊見於有君謁入  
廼膝而前曰聞有君之名雅矣今幸際顏色聆話言僕  
輒有請君其聽焉君世家于越以風流自命業博經素  
才播歌詠越之山川人物古今風俗載在君腹願聞其  
略可乎有君乃歛衽肅容謝曰唯唯客姑坐焉吾以語

爾越於九域分曰揚州

禹貢淮海惟揚州周禮東南曰揚州山曰會稽圖經大都督府

越州禹貢揚州之域

仰瞻天文度當斗牛

漢書地理志吳地斗分野晉書天文志自斗十

三度至女七度為星紀於辰在古吳越分曰揚州而會稽入斗一度白樂天詩云牛斗天垂象台明地展圖

在辰為丑自夏而侯

史記越王勾踐其先禹之苗裔夏少康之庶子也封于會稽以奉禹

祀圖經封少子無餘於越是為越侯

郡於秦漢

秦始皇滅荆置會稽郡漢以其地屬吳國景帝誅吳

王復為會稽郡霸於春秋

春秋哀公十三年於越入吳史記勾踐已平吳兵橫行於江淮號稱霸王

州於隋而使於唐

隋大業中改為越州唐乾元中置浙江東道節度觀察等使

公有

素而王有鏐

隋楊素封越國公唐末錢鏐平董昌封吳越國王

因種山而中宅

圖經種山一名重山即今卧龍山也吳越春秋越王葬  
文種於國之西山一年伍子胥自海上穿山脇持文種

去與之俱遊於海

今西山低處是也

郭蠡城而外州

吳越春秋勾踐自吳還范蠡築小城周千

一百二十二步一員三方西北立為龍翼之樓以象天

門東南伏漏石竇以象地戶陵門四達以象八風外郭

築城而缺西北示服事吳也圖經龍樓翼而屹峙石竇

會稽治山陰以來此城即為郡城

龍樓翼而屹峙石竇

會稽治山陰以來此城即為郡城

伏而巽流法天門今地戶惟崑崙今是侔

吳越春秋范蠡曰臣之叢

城也其應天矣

實東南之大府號天下之無仇

蜀下本無天

崑崙之象存焉

仇其山則鬱鬱蒼蒼巖巖鬼鬼磅礴蜿蜒岬岬岬岬若

騫若犇若闔若開或凸或凹或阜或堆或斷而聯或昂

而低虎卧龜磚龍盤鴈徊舒為屏障峙為樓臺掩映江

湖明滅雲霓八山中藏

府城之內有八山種山龜山戴山火珠山鮑郎山彭山白馬山

蛾眉山今所存者惟四山耳鮑郎彭山白馬蛾眉俱已湮滅僅存其名

十里周回彭鮑名

存

圖經彭山在會稽縣北四里典錄云彭祖所隱居之城鮑郎山一名陽堂山在今大能仁寺之前邵國志

云山有蛾馬迹迷

蛾眉山不見於圖經父老云在府橋鮑郎祠之東軒亭之西形如蛾眉白馬山在

會稽縣北五里鉅者南鎮是為會稽

史記禹會諸侯江南計力命曰會稽會稽者會計也

皇覽曰會稽山本名苗山唐開元十年封四鎮為公故會稽山為南鎮永興公

洞曰陽明羣僊

所棲

龜山白玉上經曰會稽山周回一百二十里名陽明天皆仙聖天人都會之所

石傘如

張

圖經石傘山在會稽縣東南十五里玉筍側狀如傘

石帆如揚

石帆山在會稽縣東南十五里夏

侯曾先地理志云射的山北有石壁高數十丈中央少紆狀如張帆又有文石狀如鷄人亦謂之石鷄山石

簣如藏

輿地志云宛委山上有石簣壁立干雲霄升者累梯而上

石鷄如翔石壁匪

泥

並見石帆注

石甕匪攜

巨石山在照湖東狀如酒甕時人謂之秦皇酒甕

香爐自

烟

會稽一峯狀如香爐人謂之香爐峯一名覆釜山

天柱可梯

吳越春秋九山東南天柱號曰

宛委圖經望秦山一名天柱山韞玉有筍

圖經玉筍山在會稽縣東南十五里出美玉其形如筍因

以為名一

降僊有臺

皇覽云宛委山上有一巨石崑然如几臺嘗有神仙降其上號降仙

臺苗龍先生於此臺上昇

禹穴窅而巨探

史記司馬遷登會稽探禹穴唐鄭魴有禹穴碑葛



巖蜚而自來

龍瑞圖經禹穴北有石巖高大餘南面側平如削真誥云此石於赤烏二年天降從

安悉國飛來上有索痕二條名為飛來石晉葛仙公曾築壇煉丹後人名葛仙巖煉丹井

射堂豐凶

之的

孔曄會稽記云射的山半有石室乃仙人射堂東峯有射的遙望山壁有白點如射侯士人常以占

穀貴賤故語云射的白宛委日月之珪

遁甲開山圖云禹開宛委山得

赤珪如日碧珪如月長一尺二寸

應天上之玉衡

輿地志云會稽山一名衡山吳越春秋禹

聞黃帝藏書于此乃東巡登衡嶺龍瑞圖經注云謂天文蓋度中權衡星名非南嶽之衡嶺

直海中

之蓬萊

舊志蓬萊山正屬會稽沈紳蓬萊閣詩云三山對峙海中央

至若嵎山歸其

東

圖經嵎山在剡縣東三十四里唐武德四年置嵎山因山為名今曰嵎縣

塗山屹其西

塗山

在山陰西北四十五里舊圖經云禹會諸侯之所應劭云塗山在永興北按永興即蕭山也杜預注左傳云在

淮南壽春亦未詳在何所

### 阜至繇蜀

蜀阜山在山陰縣北三十五里舊經按地志云昔自蜀飛來帶

兒婦二十餘人隨山而至善織美錦自云家在西蜀今忽至此又云勾踐將伐吳置婦女於山上以邀軍士後

訛為龜來自齊

龜山在山陰縣東八十步下有東武里或謂之怪山吳越春秋范蠡築城既成

怪山自生琅玕東武海中山也一夕自來故名怪山越絕書云勾踐遊臺也東南司馬門所以灼龜又仰望天

氣觀天怪也云遠望似龜形故或名龜山

### 梅山乃隱吏之窟

梅山一名巫山在府城北

一十八里梅子真所隱之地

### 紵羅蓋西子之閨

輿地志云諸暨

縣羅山西施鄭旦所居有方石

### 五泄爭奇於鴈蕩

輿地志云五

泄瀑布也在諸暨西四十里有兩山夾溪摩雲壁立高  
二百丈廣數十丈水瀉五節故曰五泄山多奇峯或比

之鴈蕩云四明競秀於天台

圖經四明山在餘姚縣孫綽天  
台賦云涉海則有方丈蓬萊登

陸則有四  
明天台

五雲中令之故居

晉義熙三年中書令王獻  
之居是山有五色祥雲見

安帝詔建  
雲門寺

十峯曇翼之招提

法華山在會稽縣南四十  
里晉僧曇翼按此誦法華

經因置寺焉其山十峯其  
水雙澗今天衣寺是也

故越為之首兮剡為之面兮

沃洲天姥眉兮目兮

白樂天沃洲山記云東南山水越  
為首剡為面沃洲天姥為眉目二

山今屬  
新昌縣金庭桐柏仙子宅兮

金庭觀在剡縣東王子晉  
學道登仙之所真誥曰南

岳真人云越有桐栢之金庭  
養真之福地昇仙之靈墟也

南明嵌崆寶相湧兮

新昌  
南明

山有寶相寺梁建安王造石佛一軀高一百尺

南巖嗟峨海跡古今

南巖在新昌縣西南

唐李紳龍宮寺碑云南巖海迹高下猶存

陟秦望而望秦今

史記秦始皇三十七年上會稽

祭大禹望于南海立石刻頌圖經秦望山在會稽南四十里又有望秦山始皇登山羣臣於此以望秦帝登

洛思而思洛今

洛思山在蕭山縣東與地志云永興縣有洛思山汴人朱雋來會稽三年

不得反乃登山北顧而嘆因以為名

采葛食蕺敬弔前王今

蕺山在府治東北三里趙

璘直碑云蕺蔬類昔越王所嗜常採於此遂用名之在晉為王逸少別址尚留故池與祠堂葛山在會稽縣東

一十里吳越春秋云勾踐使女織布以獻吳王采葛是山

脩竹茂林緬想陳迹今

與地

志云山陰縣西有蘭亭王羲之序云此地有崇山峻嶺茂林脩竹又云俛仰之間已為陳迹

連山如

珠秦皇之所驅兮

連山在蕭山縣西夏侯曾先志云連山長崗九里西北至定山秦始皇欲

置石橋渡浙江今尚有石柱數十列于江際世傳始皇驅山塞海

摩山如玦亞父之所

割兮

摩鳥山在蕭山縣南東方朔神異經云摩山是亞父割斷蕭山南嶺將摩斷鳥江

北幹隱

今明月在

北幹山在蕭山縣北孔靈符地志云許詢家於此山之陽詢詩云蕭條北幹園劉真長嘆

曰清風明月恨無元度

東山卧兮白雲迷

東山在上虞縣西北三十里謝安石高卧之處

李白憶東山詩

少微寂兮幽鳥怨

少微山在會稽五雲門外十里職方員外

郎齊唐墓表云公退居湖山曰少微

太白空兮野猿啼

依山有亭榭獨以書史音樂自適  
太白山在剡縣西六十里與少白山連夏侯曾先地志云峻極于天巖崔嵬趙廣信鍊丹登仙之處上有白猿

赤其水則浩淼泓澄散漫縈迤漲焉而大風焉而波淨

焉如練瑩焉如磨溢而為江渚而為湖為沼為沚為潢

為污匯為陂澤䟽為溝渠竊而田疇淤而泥塗生我稻

梁溉我果蔬集有鳬鴈戲有龜魚實有菱芡香有芙蕖

鵲舟如擊

晉安海物異名記越人水戰凌波赴敵則有鵲舟名

馬檝如驅

吳越春秋越人

以船為車以檝為馬

船龍夭矯橋獸睢盱

白樂天詩船頭龍夭矯橋脚獸睢盱

堰限

江河津通漕輸航甌舶閩浮鄞達吳浪槳風帆千艘萬

艫大武挽絳五丁譟呼榜人奏功千里須臾境絕利博

莫如鑑湖有八百里之回環灌九千頃之膏腴

圖經後漢馬臻

字叔薦山陽人為太守創立鑑湖在會稽山陰之界築塘蓄水水高田丈餘田又高海丈餘若水少則洩湖溉

田如水多則開湖洩田中水入海所以無凶年其塘隄周回三百十里溉田九千餘頃一說鑑湖八百里蓋總

言之錢昭度詩云越國荷花八百里浮賀監之家

唐書賀知章以祕書監請為道士詔許之以宅

為千秋觀賜鑑湖剡州一曲

甯允常之都

史記少康庶子封於會稽後二十餘世至於允常吳

越春秋云越之興霸自允常始

人在鑑中舟行畫圖

輿地志南湖縈帶郊廓欵屬峯岫白

水翠巖互相映發若鑑若圖王逸少云從山陰路上行如在鑑中遊

五月清涼人間所無

杜甫詩鑑有菱歌兮聲峭

謝靈運詩菱歌調易急王翰詩不知湖上菱歌女幾箇春

舟在  
若邪

有蓮女兮貌都

西施采蓮於若邪溪李白有采蓮曲

日出兮煙銷漁

郎兮嘯呼東泛曹江哀彼孝娥

曹娥江在會稽東四十里娥上虞人父溺死不

得尸娥年十四沿江慟哭晝夜不絕旬有七日遂投江而死

西觀驚濤弔夫子胥

江浙

在蕭山縣西十三里史記吳王殺伍子胥取其尸盛以鸛夷革浮之江中吳人憐之為立祠於江上命曰胥山

槩浦思夫槩之封

槩浦在諸暨縣北吳闔閭弟之翁洲子夫槩所封之地因以為名

訪偃王之廬

翁州屬會稽郡國志云徐偃王昔居於翁州

簞醪投兮沼吳國

簞醪在會稽南三里勾踐投簞醪之所左傳伍子胥曰吳其沼乎

扁舟去兮變陶朱

史記

范蠡事越既滅吳乃乘舟浮海以行終不反止于陶天下稱陶朱公

鼓樵風兮游若邪

若邪



溪在會稽縣東南後漢鄭洪字巨君山陰人孔靈符會稽記云射的山南有白鶴山北鶴為仙人取箭鄭洪嘗采薪得一遺箭頃有人覓洪還之問何所欲洪識其神人也曰常患若邪溪載新為難願朝南風暮北風後果然故溪風至今猶爾呼

### 興雪棹兮尋隱居

剡溪一名戴溪晉書云王

為鄭公風亦名樵風子猷嘗居山陰夜雪初霽四望皓然忽憶戴逵時在剡便夜乘小舟詣之經宿方至造門不前而反人問其故子猷曰乘興而來興盡而反何必見戴

### 興事脩兮觴蘭渚

蘭渚即蘭亭也義之序云曾于

山陰之蘭亭修禊事也有清流激湍引為流觴曲水

### 陶泓沐兮池戒珠

戒珠寺在戴山岑王

羲之別業有鵝池

### 了溪鑿兮禹功畢

了溪在剡縣東北源出了山越絕書

硯池題扇橋在馬

### 刑塘築兮長人誅

刑塘在會稽縣北越絕書大禹會諸侯于塗山

執玉帛者萬國防風後至禹乃誅之於塘賀循會稽記云防風氏其身三丈刑者不及乃築高塘臨之故曰刑

塘

酌菲泉兮懷古

會稽山大禹寺有泉名曰菲泉

飲清白兮自娛

卧龍山下

州宅之西隅有清白堂清白

其物則有魚鹽之饒

沈立越州

泉太守范文正公命名有記

圖序瀕海居人以魚鹽為生

竹箭之美

爾雅東南之美者則有會稽之竹箭

山涵海蓄

忘其有幾貢入王室利周遐邇耕焉以火耨焉以水

漢書

地理志云江南地廣火耕水耨民食魚稻

南風翼苗翠浪千里耙耨一空玉

粒如峙炊粳釀秫既甘且旨壓桑之奇號為第一

吳錄太原

地記並云諸暨境上諸山第一產壓桑文采如博棊方正駢次有如畫作可為履襜上品者一兩至數十萬

龍精僊僊吐絲滿室

蠶書曰蠶為龍精荀卿蠶賦云有物於此僊僊兮其狀屢化如神

萬草千華機軸中出綾紗繒縠雪積縑匹

圖經越貢花紗白編綾輕

交梭綾輕容生縠吳絹十樣綾大花綾編文紗花羅

木則楓挺千丈

名山志云天姥山有楓木

千餘松封五夫

上虞有地名五夫始皇封松木為五大夫之處

桐柏合生

嵎縣金庭

觀道經云上

檫桤異隅

輿地志云餘姚有太平山四角各生一種木不雜他木一角純

檫一角純桤一角純桤

文梓梗枏

吳越春秋吳王好起宮室越王便工入山伐木天生神木一雙

大二十圓陽為文梓

檫柞櫛榆

郡國志若邪溪有檫木謝客兒惠連作詩聯句

刻於其上上虞有歷山山下多柏木吳越名柞為歷故曰歷諸暨有諸山刺有榆木山

連理之柯

諸暨有木連院因合抱之株廼斧廼斤以輿以廬乃有

蕭山陸吉

東坡黃甘陸吉傳吉隱蕭山

諸暨三如

圖經諸暨出三如謂如錦之桑如拳

之栗如胡枏成林賀瓜滿區

爾雅梅枏任昉述異記中有王氏橘園胡氏梅山賀

氏瓜丘陵家白蓮

棗實全赤檣腮半朱火榧殼玉櫻桃薦珠鳴

脚含黃雞頭去廬百益七絕之奇

爾雅楸木瓜埤雅梨百損一益楸百益一

損隱居云山陰蘭亭尤多木瓜人以為良果西陽雜俎材有七絕一壽二多陰三無鳥巢四無蟲五霜葉可愛

六嘉實七落葉肥大

雙頭四角之殊

越多雙頭蓮埤雅夫俗言菱菱而不分別惟武陵記云四

角三角曰菱兩角曰菱

蔗有崑崙之號

本草注甘蔗有兩種赤色名崑崙蔗白色名葭蔗亦

蘇出江  
東會稽

梅有官長之呼

越有楊梅二種絕佳一曰官長梅一曰稜梅

蔓生則

馬乳蓂蓂土實則鳬芘慈菰野款谿毛園蔬木園湘湖

之蓴箭里之筍

蕭山湘湖出蓴菜會稽有美箭里

可薦可羞采擷無盡

鱗虫水族海生池養丁首丙尾鰭腹縮項赤鰓文鰓元

鱗黃鰓

以上魚名並載於圖經越所有者餘皆類此

漁人駢集以釣以網美

金鰓玉不數熊掌能言之驚善鳴之鵝

陸龜蒙養鵝能言之驚王羲之愛

善鳴

輸芒之蟹孕珠之贏文身合氏之子

蛤有文故謂之文蛤元微

之詩鄉味尤珍蛤合氏子見東坡江瑤柱傳

跛足從事之徒

元微之詩罷解稱從事

街

填巷委與土同多異獸珍禽屑銅吐綬

銅牛山在會稽縣夏侯曾先地

志云昔有銅牛見於靈汜橋人逐之奔入此山掘地視之悉銅屑也圖經太白山有鳥尾似鷄文采五色口吐

綠綬長數尺

猛虎負子

蕭山有去虎山本名虎子山有猛虎傷人景德四年六月晦日

號吐綬鳥

虎負一子而渡浙江而去

靈鳥送驚

法華山有雙鳥鷄長則送出之故惟

知縣杜守一因改名焉

此鳥在馬唐萬齊融守

鳳棲鹿化

會稽有鳳林鄉按吳越春秋禹會諸侯于

碑云雙鳥所以示北

稽山因傳國政鳳凰棲于木百鳥伺於澤華公鳳林詩

苗山會計圖書曰威鳳曾栖碧玉枝龍瑞圖經葛仙翁

有桐木隱凡化為白鶴拾鴈耨

孔靈符會稽記云射的

鹿三足號為鹿跡山

山西南有白鶴為仙人的

取箭因號箭羽山上虞有鴈田州志云夏禹與諸侯虞

樂於此化感鳥獸故其地鴈為民田春拔草根秋除其

穗

熊羆狸豹猴獾猿狢鷓銜鷓吐

埤雅鷓鴣子銜母鶯翅鷓鴣吐而生子

求鷓鬪鷓浮鷓浴

禽經曰鷓善沒鷓好浮埤雅鷓鴣翡翠也銜其毛羽日浴登欄泗淵之間

鷓寒鷓瘦

越多寒鷓秦少游詞寒鷓萬點黃巖叟詞寒鷓如豆俱得其實鷓燕也有二種有胡燕有

越燕胡燕肥越燕瘦

巧婦錐喙

埤雅鷓鴣性巧故俗呼巧婦其喙尖利如錐巢至精密

春鋤

雪脰

爾雅鷓春鋤埤雅步於淺水好自低昂故曰春鋤

林棲水宿脩尾長味

禽經

曰陸鳥曰棲水鳥曰宿又曰山禽之味多短水禽之味多長山禽之尾多修水禽之尾多促

江湖為

籠山林為囿以牡以牝以蜚以走甲第名園奇葩異香

牡丹如洛芍藥如揚

歐陽公花品序牡丹西出丹州延州東出青州南出越州出洛陽者

為天下第一揚

木蘭載新

吳晚鎮東軍監軍使院記云  
州出千葉芍藥

中稱為一絕

當前政不軌之際忽焉凋零

海榴懷芳

連彭城王之鎮臨也

綠葉紫苞載新陽豔

宅

舊有海榴亭唐李紳詩懷芳不

作翻風豔列萼猶含泣露妍

菊山黃華

多甘菊唐縣令李萼

蘭亭國香

越絕書蘭亭在山

尉丘丹目之曰菊山

陰越王植蘭處

天衣

杜鵑

天衣寺有杜鵑花最奇

東山薔薇

每歲盛開觀者競集

李白詩不到東

山久薔薇幾度

花

湖映香雪

越多梅花又餘姚有

鑑生水芝

李白詩荷

花鑑裏生

鴛梅並蒂

越有鴛鴦梅

仙桂丹枝

雙頭千葉

越有

司華騁巧天女

效奇桃李漫山

臧獲眈之藥物之產不知其名白茱丹



參甘菊黃精吳萸越桃

山梔子一名越桃

禹糧石英

嵯縣了山出禹餘糧

諸暨烏帶山出紫石英

薊訓鬻之以療疾

圖經古廢市在州南與地志曰昔薊訓賣藥於

此彭祖服之而延齡

彭山在會稽縣北與鉅云彭祖隱居之城

秦皇求之而

莫致

史記始皇令方士徐市等入海求神藥數歲不得

葛仙餌之而飛昇

葛仙翁煉

丹飛昇禹穴北有仙巖

日鑄雪芽

日鑄山在會稽東南五十五里歐治鑄劍之所覽古集云會稽

日鑄山產雙芽不在建溪之後

卧龍瑞草

卧龍山亦產奇茗范文正公清白堂記以建溪日鑄卧龍

雲山之茗試之甘液華滋悅人襟靈張伯玉云卧龍茶冠吳越

瀑嶺稱仙

茶經云餘姚縣茶生瀑布

嶺者號仙茗

茗山鬪好

圖經茗山在蕭山縣西其上多奇茗

顧渚爭先建溪全

蚤碾塵飛玉甌濤翻皓生兩腋之清風與飄飄于蓬島

剡藤番番管城斑斑

越紙出於剡舒元興有悲古剡藤文圖經越出筆管

冰敲疎

水

張伯玉詩敲冰呈巧手注云越俗呼敲冰紙為巧手

竹翦顧園

述異記越中

有顧家斑竹

製

於蒙蔡之手遊於羲猷之間友陳元與端紫全文字於

人寰至若龍護金書

龍瑞圖經黃帝藏金簡玉字書於宛委山禹探得之唐開元二年投

金龍於禹穴俄有一龍自穴出現於壇上賜號龍瑞宮

苔封石刻

齊書志云會稽剡縣刻石山相

傳於名不知文字所在宋昇明本縣名家兒襲祖行獵忽見石上有文凡三處苔生其上字不可識刊苔去之有大石丈立石文小石丈云云或

苗山金玉

山海經會稽山上多

云衛夫人碑墮此中因以為名

金玉下邪董銅錫吳越春秋云歐冶子為越王鑄劍破

多珠石赤董之山而出錫涸若邪之溪而出

銅黃帝之鑑述異記世傳黃帝鑄劍于此故名鑑湖

有光見人即歐冶之劍見邪董蔡邕之笛

其處得圭璧避難於越宿

千秋亭仰見根竹知有奇虞翻之牀圖經五官省相傳

響因取以為笛遂為寶器

長沙王所禮特設秦皇之石輿地志秦始皇刻石前有

此牀以表賢客

兩邊有方石八所淳碑斯篆漢邯鄲淳作曹娥碑蔡邕

云是丞相已下座題曰黃絹幼婦外孫壺白

秦望山有始皇江筆爾墨府治之北有筆飛卷江淹夢

頌德碑李斯篆筆之所也漢王肅隨父在邵

東齋夜有女子從地中出與肅語將曉辭別贈墨二

員時肅方注周易多有疑滯但用此墨覺才思開敏雷

鼓銅漏

漢書王尊傳毋持布鼓於雷門注云雷門會稽城門也有大鼓聲聞洛陽會稽黃閭故有銅漏

古制甚精王羲之書陸機漏賦鐫刻於上歷代以為寶

梅梁窆石

越絕書少康立禹祠於陵所梁

時修廟少一梁木夕有風雨漂一木至乃梅梁也今存窆石在禹陵之前舊經云禹葬會稽取此石為窆秦少

游詩云一代衣冠埋窆石千年風雨鎖梅梁

壘金履鐵

晉太康中上虞縣於道觀井中獲金壘故

縣以金壘名驛郡國志云塗山有石船長一丈云禹所乘來宋元嘉中於船側掘得鐵履一雙梁初又得青玉

印罌銅印玉

晉太元年中謝輜為郡守掘郡廳柱下深八尺得古銅罌可容數斗封題作越王字

文甚分明是今隸書餘不可識輜以為范蠡厭勝之術遂埋之今不識處玉印見上注

胎草蹄石

圖經獵士陳惠度於剡山射孕鹿既傷產下一子以舌舐子身乾而後鹿母乃死思度棄弓矢為僧鹿死之處

生草號鹿胎草諸暨有馬蹄石傳

黃竹神木

蕭山黃竹山越絕記

云范蠡遺鞭於此生笋為林竹色皆黃狀如刀割神木見文梓梗耨注

流黃漢簞

西京雜記會稽

貢竹簞號

鐔于周樂

會稽記塗山廟中有周時樂器名鐔于

活人之草

郡國

志云會稽橫山有草莖赤葉青人死覆之更活

止痛之木

圖經郡王官廨兩杉梁相傳勾踐聽事之

舊梁歷代雖遠材質不異俗諺云千年之木能止心痛有削服者多愈

柘敷榮而華含戚

石氏宗譜新昌石昉墓前有柘木生而內向覆墳如蓋然守墓者言每有登科者則柘有枝特生一枝一人或

二三枝則二三人云會稽覽古集四明山有雙石如筍高數尺野花叢生其頂杜鵑鳴時爛若霞錦國朝祖宗

遇密皆三年不榮職方齊唐嘗為之贊華鎮

天雨錢而

山儲粟

劉有禪房寺舊經云齊安南將軍黃僧成有德政感天雨錢數億萬遂捨造寺號錢房院梁天

監中改禪房寺儲山在會稽東南有粟山周處風俗記舜時供儲在此

皆希世之奇迹蓋

欲言而不足其人則見於吳越春秋會稽典錄圖經墜

志歷代東牘大書特書班班滿目孝者悌者忠者義者

廉者遜者智者健者優於文詞者長於吏事者擢秀科

目之榮者策名卿相之貴者殺身以成仁者隱居以求

志者埋光屠釣之微者晦迹佛老之異者虞翻之言有

所不能盡朱育之對有所不能既

會稽典錄云孫亮時山陰朱育少好奇字

仕郡門下書佐太守濮陽興正旦宴見掾吏問昔王景興問士於虞仲翔而未覩仲翔對曰書佐寧識之乎育對云云府君稱善予亦焉能縷數之哉姑摘其尤之一二前則

種蠡計硯號賢大夫

按吳越春秋越王有八臣四友文種范蠡計硯最顯

後則嚴

助買臣直承明廬

漢書嚴助朱買臣皆會稽吳人武帝時俱為侍中後皆為會稽守

孝

悌則張萬和之父子

唐張萬和諸暨人遭父母喪兄弟廬墓二十餘年萬和終子亦廬墓

韓靈敏之弟昆

齊韓靈敏刺人早孤與兄靈珍並有至性母亡無以營生具種瓜半畝朝暮生

遂辦鄧斯祁樊自殺以代罪

朱育對曰處士鄧廬叙弟葬事犯公憲自殺乞代吳寧斯

敦山陰祁庚上虞樊正咸代父死罪

董黯朱魏報讐而名聞

虞翻對曰句章董黯盡心

色養喪致其哀怨親之辱白日報讐海內名聞又魏朱  
恭明永興人父為烏傷長陳顯所殺恭明志在報讐未  
間顯病亡刺殺其子遂奔魏後漢魏少英上  
虞人兄為鄉人所殺少英報讐訖遂亡命  
或濕衣以

障火

丁興會稽人家近荒野野火沿燒興母  
老病乃濕衣覆母以身障火身死母存

或泣血以

戢焚

許伯會蕭山人遭母喪結廬墓側野火將  
及墳所乃悲號慟哭天忽降雨火則隨滅

或銜哀

而廬墓

山陰鍾離表剡鄭僧保諸暨張萬和  
蕭山許伯會戴恭皆以廬墓著名

或負土以

成墳

諸暨張孝和申屠氏女蕭山  
郭世道許伯會並負土成墳

或以行而名里

劉王  
知元

父喪哀毀卒高宗改為孝義里諸暨賈思會母亡以至  
孝聞有司奏改其里為孝義里永興郭世道負土成墳  
袁愉表其行勅改  
或以義而旌門  
山陰嚴世期好施慕  
所居里為孝行里  
善有司奏榜其門曰



義行剡公孫達居喪事母名聞郡縣詔表門閭蕭山俞  
僅一門四代兄弟十五人老幼八十餘口為鄉里所稱

觀察使孟簡書于  
圖經以勵風俗

懿矣三女

齊書會稽陸氏有三女無  
男祖父母年八九十相繼

卒三女自營墳  
葬為庵舍墓側

賢哉二娥

曹娥見曹江注國史朱娥上  
虞朱回女也母亡養于祖媼

娥十歲里中朱顏與媼競持刀欲殺媼一家驚潰獨娥  
號呼而前擁蔽敵媼手挽顏刀曰寧殺我毋殺媼也媼脫

娥死事聞賜其家粟帛其後會稽令  
董偁為娥立像于曹娥廟四時配享

處子之孝凜然可

多節義則黃公居四皓之列

虞翻對曰鄴大里黃公潔  
已暴秦之世高祖即祚不

能一致惠帝恭  
遜出則濟難

魏少英參八雋之儔

少英見後漢靈銅  
傳虞翻曰少英遭

此屯蹇忘家憂國列  
在八雋為世英彥

蒙難衛主則有若丁潭

晉丁潭字  
世康山陰

人蘇峻亂成帝蒙塵於石頭潭隨從不離帝側

委身授命則有若王脩

虞翻曰句章王

脩委身授命

虞喜躬歲寒之操

晉虞喜字仲寧餘姚人太康中詔曰喜潔靜其

垂聲來世

操歲寒不移孔愉洪止足之謀

晉孔愉字敬康山陰人史贊曰愉洪止足之分有廉遜之

風或一門死三世之義

虞翻曰決曹掾上虞孟英三世死義

或一邑萃三

康之汜

山陰孔愉敬康張茂偉康丁潭世康齊唐時人號會稽三康

至若松楊柳朱

永寧瞿素婦節崢嶸蹈死不顧

朱育對其女則松楊柳朱永寧瞿素或一醺守

節喪身不顧或遭寇劫賊死不虧行

卓行則鄭洪韓說鍾離意朱雋戴就

舉於孝廉

後漢鄭洪韓說鍾離意皆山陰人朱雋戴就皆上虞人並舉孝廉

虞潭孔奐

沈融朱仕明舉於秀茂

晉虞潭餘姚人陳孔與山陰人唐沈融會稽人並舉秀才齊朱

仕明剡人舉茂才

虞寄起於對策

虞寄餘姚人弱冠對策高第起家

趙曄推於

有道

後漢趙曄山陰人舉有道

陳子公返侵墜之藩

會稽陳囂字子公以遜為行與

紀伯為鄰伯竊囂番地自益囂見之不言移一大以潤紀伯伯覺知患俱乃還所侵之地兩邊俱退乃為一路

鴻嘉二年太守右扶風周府君刻石旌表號曰義里長簷路

鍾離牧拒慙還之稻

吳鍾

離牧山陰人居永興種稻二十畝臨熟民認之牧遂與稻後民慙還牧閉門不受

循吏則有還

珠益嘗

後漢循吏孟嘗字伯周上虞人為合浦太守郡無耕稼所資珠璣前政貪殘珠徒交趾嘗清潔

無求珠乃還郡

致鴈虞國

孔曄記云虞國餘姚人漢時為日南太守有惠政行部有雙鴈隨軒翔舞

及還餘姚鴈奔隨歸國卒鴈棲於墓側後遂成羣今餘姚有雙鴈鄉希銑遺四州之愛唐

希銑會稽人為饒海台睦四州刺史顏魯公撰碑今斷碑猶存夏香著歷任之績夏香

卿蕭山人會稽典錄云儒學則王充以論衡顯後漢王香歷任邑長皆有聲績

任上虞人著論沈珣以大義稱唐沈珣會稽人撰謝沉衡八十五篇

謝承之史學晉謝沉字行思山陰人明練經史撰晉書三十餘卷承字偉平亦山陰人博學洽聞

撰後漢書一百餘卷孔僉孔祛之明經梁孔僉山陰人通五經尤

五經博士孔子祛亦山陰人講尚書賀孝先擅儒宗之號聽者嘗數百人著尚書義二十卷

晉賀循字孝先山陰人虞伯施專博學之名唐虞世南經學第一為江東儒宗字伯施太

宗稱世南有五絕其一博學也

文章則孫興公挾金聲之賦

晉孫綽字興公會稽

人作天台賦成友人曰卿試擲地當作金聲

徐季海揮玉堂之策

唐徐浩字季海為中

書舍人詔令誥策皆浩為之

曄若春榮則任奕虞翔

朱育對曰文章之士則任奕虞

翔各馳文曄若春榮

文不加點則四明狂客

唐賀知章字貴真永興人自號四明狂客

醉後屬詞動成篇卷文不加點

二賀二虞蜚聲籍籍

唐賀德仁山陰人與從兄德基以文

辭稱人為語曰學行可師賀德基文質彬彬賀德仁虞世南與兄世基俱善屬文時人方之二陸

吳融

十詔成於俄刻

唐吳融山陰人昭宗時為翰林學士中書舍人帝曾指授疊十許藁融跪作詔

少選成語當意詳

隱逸則嚴謝秦方述睿充符

後漢嚴光字子陵餘姚人晉謝

敷會稽人月犯少微星占者以隱士當之俄而敷死唐  
秦系會稽人初隱於剡後居泉州南安人號其山為高  
士峯方千字雄飛今五雲門外有方千島登波坊有方  
千池皆隱所也唐孔述睿山陰人與兄充符皆隱嵩山

方術則介象吳範嚴卿夷吾

吳介象字元則學氣術能  
於茅屋上煮物而火不焚

吳範字丈則明歷數知風氣晉嚴卿善卜筮皆會稽  
人後漢謝夷吾字堯卿山陰人學風角占候克日卒

青則孫遇道芬

名畫錄孫遇僧道芬皆  
會稽人以善畫著名

筆札則孔琳徐

嶠

宋孔琳之山陰人徐嶠  
之會稽人皆善草隸書

浮屠則道林靈澈

晉僧支遁  
字道林居

沃洲山與王謝諸公游唐僧靈澈  
會稽湯氏子工於詩與劉郊善

神仙則劉晨阮肇

續

詣記漢永平十五年剡縣有劉晨阮肇入天台山採藥  
因遇女仙半年還家並無相識驗得七代孫至太康年

失二人  
所在

迺有谿上浣紗之女

諸暨有西施浣紗石

林間舞劍之姝

吳越春秋越有處女出於南林越王聘之問以劍戟之術

色白天下

杜詩越女天下白

氣雄

萬夫

越女論劍曰聞斯道者一人當百百人當萬王欲試之其術即見

故勾踐復國也

有六十君子

史記越伐吳發教士四萬人君子六千人

項氏崛起也有八千

子弟

史記項羽起會稽得精兵八千人渡江今山陰有項里乃羽與叔父梁避仇之地

霸有江

溯橫行當代彼二霸之得人尚斗量而車載矧歷世之

人材亦足明其大槩逮我國朝尤號多士二百年間不

可勝紀大則杜正獻之勲德

杜祁公衍字世昌會稽人謚曰正獻

次則孫

威敏之功名

孫大資汚字元規  
會稽人謚曰威敏

姚石郎司元祐之直

給姚

事劬字輝中山陰人元

祐中為諫官有直聲

顧內翰臨  
字子敦會

稽人東坡贈詩云君為

萬石雲仍匪建則慶

新昌石氏  
為東南名

江南英面作河朔偉

族國朝登第

二陸棠棣如雲與衡

陸左丞佃字農師弟  
傳字巖老俱有才名

者幾三十人

比晉吳先生風高於賀老

吳先生名攷嘉祐治平間名  
士捨宅為泮宮今有祠堂存

二陸

君子以為賢

齊賢良唐字祖之仕  
至職方員外郎退居

於賀監一等

齊賢良唐字祖之仕  
至職方員外郎退居

湖山名曰少微自為詩云直當

錢氏世賢科之盛

錢內  
翰易

會稽人景德三年中制科子明逸慶

史門繼衣錦之榮

歷二年彥遠慶歷六年並中制科



剡中史氏兄弟相繼登科鄉號繼錦劉求以義門顯會稽求氏上虞杜趙

以處士稱

王荆公有贈越中處士杜醇詩趙處士仲淵祥符中被召不赴

或覽古以流

詠

故朝奉大夫華君名鎮字安仁嘗著會稽覽古詩百餘篇

或編圖而著名

諸葛深字通甫

總集歷代帝王年紀自三皇至于大宋編之為圖名曰紹運

至若聯翩桂籍焜耀簪

纓名登史策足疊天庭蓋嘗詢之故老往往莫識其名

矣故千巖競秀萬壑爭流者顧長康之言也

劉義慶世說云顧長

康從會稽還人間山川之美顧云千巖競秀萬壑爭流

山轉遠轉高水轉深轉清者

李浙東之記也

唐李遜游妙喜寺記越州好山

瑰奇市

井佳麗闔閭者白餘杭之詩也

白樂天和元稹陽明洞天詩云瑰奇填市井佳

麗溢闔閭

忠臣係踵孝子連問者虞功曹之對也

虞翻對王府君曰海

岳精液善生俊異是以忠臣係踵孝子連問下及賢女靡不育焉

越之山川風物其大

略如此子真始驚而疑卒歎而喜曰壯矣哉盛矣哉山

川如斯人物如斯吾未之前聞也然越在春秋僻處東

夷夫子作經卑為於越其人材風俗固未可與齊晉魯

衛諸列國抗衡也今有君所稱幾不容口豈昔日遠於

京畿含香未越如王景興之言邪

王景興問虞翻曰聞玉出昆山珠生南海

遠方異域各生珍寶曾聞士人嘆美貴邦舊多英俊徒  
以遠於京畿舍香未越爾功曹雅好博古寧識其人邪  
翻對抑山川降靈孕秀固自有時邪抑亦因人作成而  
云云

致然邪有君曰昔嚴朱二子為漢名卿畫綉故鄉夾道  
郊迎爭觀快靚歆豔其榮故其俗始尚文學而喜功名

嚴助朱買臣貴顯漢朝文辭並發上拜買臣會稽太守  
謂曰富貴不歸故鄉如衣繡夜行今子何如買臣頓首  
辭謝晉王右軍為越內史雅會蘭亭流觴曲水臨池墨妙

輝映千祀能使遺文感慨君子故其俗始尚風流而多

翰墨之士

晉王羲之除右將軍會稽內史以上巳日與  
謝安孫綽許詢之流會于蘭亭流觴曲水自

為之序其末云後之君子亦將有感於斯文

唐元微之一代奇才罷侍玉皇

謫居蓬萊賓賓鄰白唱酬往來繇是鑑湖秦望之奇益

聞故其俗至今好吟詠而多風騷之才

唐元稹字微之罷相為浙東觀

察使辟竇鞏為副鞏工於詩與之酬和故鑑湖秦望之奇益傳時號蘭亭絕唱微之州宅詩云我是玉皇香案吏謫居猶得小蓬萊時白樂天守杭常以詩筒往來後白赴闕留贈云從此舟人應省事寂寥無復遞詩筒

不獨此數君子也任延張霸以尚賢為治而俗始貴士

後漢任延為郡尉會稽稱多士延皆聘請高士如董子儀嚴子陵待以師友之禮郡中賢士大夫爭往從焉張霸為守表用處士顧奉公孫松等其餘有業行者皆見擢用郡中爭厲志節習經者以千數

劉寵車

俊以潔已化下而人斯尚清

後漢劉寵為太守郡中大化召為將作大匠山陰五

六老叟人齎百錢送寵寵為人選一大錢受之吳車俊為太守在公清忠

第五倫下令而淫

祀之風革

後漢第五倫為太守俗多淫祀常推牛祭神財產困匱其自食牛肉而不以薦祠者發病

且死先為牛鳴前後郡守莫敢禁倫到官移書屬縣曉告百姓後遂斷絕

諸葛恢莅政而陵

遲之俗興

諸葛恢為太守元帝謂曰今之會稽昔之關中政之所先君為言之恢曰今天下喪亂風

俗陵遲宜尊五美屏四惡進忠實退浮華帝納之以政績第一增秩

至若李唐刺史九十

八公首有龐玉顯有姚崇圖經十子郡績稱雄

唐太守題名記

凡九十八人總管龐玉為首其最顯者姚元之後為開元賢宰相以名見于圖經者十人李大亮竇懷正薛平

陸亘揚於陵李遜薛成元植王式式弟龜

國朝逮今蓋百餘政前有文簡後

有文正題名所記比唐為盛

宋太守題名記始於畢文簡公士安其間顯者非一

而尤賢者

承宣得人風俗斯美蓋亦理之然也子真曰

是誠有之然皆二千石之事爾未足多也願聞其上者

有君曰昔勾踐懲會稽之棲也

史記越王伐吳吳敗之夫椒越王乃以餘兵五

千人保棲於會稽

痛石室之辱也

吳越春秋越王入臣吳拘於石室之中越王服櫛鼻著焦

頭斫判

蓼目水足抱冰握火

越王志復吳讐苦身勞心夜以接日目卧則切之以

養馬

蓼足寒則漬之以水冬常抱冰夏還握火

采戢于山

越王為吳王嘗惡遂病口臭范蠡乃令左右皆

食岑草以亂其臭越人至今

置膽于坐

史記勾踐反國置膽于坐坐卧

以為俗岑草戢也見前注即仰膽飲食亦嘗膽也

曰汝忘會稽之恥邪 葛婦興歌名曰何苦其詞曰嘗

膽不苦味若飴令我采葛以作絲

吳越春秋越王使國中男女上山采葛作

布以獻吳王吳王大悅葛婦傷越王用心之苦乃作何苦之詞云云

二十年間焦心苦志

卒滅強吳以雪前恥越絕之稱權輿於此

越絕書聞者曰何謂越絕

越者國之氏也絕者絕也謂勾踐時也

故其俗至今能慷慨以復讐言隱忍

以成事若是何如子真曰茲霸者之事也傳不云乎碎

而王駁而霸彼齊威晉文之盛猶不足稱於大君子之

門况勾踐乎有君曰昔禹治水之畢與羣后計功苗山

更名會稽卒而葬焉祠廟陵寢于今尚存

圖經禹陵在會稽山吳越

春秋禹到越因病死葬馬葦梓桐棺穿壙七尺下無及泉墳高三尺土階三等越絕書少康立祠於禹陵所

上有遺井

賀循地誌云會稽山有禹井去禹六二十五步謂禹穿鑿故因名之

下有菲泉

過而飲者莫不發免魚之歎興河洛之思不獨勾踐有

其烈

史記勾踐有禹之遺烈

馬侯嗣其功

馬臻創立鑑湖

至今其俗勤勞

儉嗇實有禹之遺風若是何如子真曰美哉禹功宜其代舜而有天下也游於是窆於是廟食於是茲所以化



被萬世之久也然說者以為入聖域而未優其必有大

於此者乎有君曰舜生於諸馮孟子以為東夷之人歷

世逾遠流傳失真太史公以為冀州然邪否耶

史記舜冀州人

冀在河南非東夷也與孟子之說異然越之邑則有上虞餘姚

圖經夏禹與諸侯會

計因相虞樂於此故曰上虞周處風土記云舜後支庶所封舜姓姚故曰餘姚一曰謂邑有姚丘即舜母握登感大虹生

山有虞山歷山

圖經虞山在餘姚西三十里一云在上虞之東太原地志

云舜避丹朱於此歷山在會稽東南八十四里舊圖經云昔舜耕之所

水有漁浦三恤

圖經

上虞縣北有漁河是舜漁之處又上虞有地名漁濱虞濱水經媯地入東海江裏有上中下三恤言二女降時

媯地高險回曲使者至險輒憊然而嘆故曰三憊

地則有姚丘百官

風土記舜生於姚丘

去上虞四十里有姚丘即姚丘也新記云書平章百姓今上虞有百官里會稽記百官者丹朱從舜於此里

焉有粟

上虞有粟里舜時供儲在此

陶焉有竈

上虞有古陶灶言舜所作

汲焉有

井

舜井在上虞西北三十五里又有舜水在縣南二百五十步

祀焉有廟

舜廟在上虞縣西三

十五里皆其遺迹也意者不生於是則游於是乎舜為人

子克諧以孝故其俗至今蒸蒸是傲舜為人臣克盡其

道故其俗至今孳孳是蹈舜為人兄怨怒不藏故其俗

至今愛而能容舜為人君以天下禪故其俗至今廉而

能遜若是如何子真矍然離席而立拱手而對曰於戲  
噫嘻盡善盡美雖甚盛德蔑有加矣昔季札觀樂而止  
於韶自韶之外不敢觀余問風俗亦極於舜自舜之外  
不復問矣無妄先生粲然失笑於旁曰固則子真之問  
有君之答也茲皆古之越非今之越也人死骨朽世變  
風移山川雖在人物已非前日淳樸變而澆偽前日廉  
遜變而爭效前日勤儉變而矯怠前日忠孝變而凶悖  
尚何執紙上陳迹而詭詭其頰舌邪有君曰先生之言

是也然風俗不常美亦不常弊善焉惡焉惟人是繫今朝廷駐蹕東南越為鉅藩密邇堯天蓋尺五間帝命重臣來鎮是邦入境問俗登堂觀風

卧龍山有觀風堂

因舜禹之

遺化明吾君之至仁布德教於黃堂變薄俗而還淳矧何世之無才亦奚有於古今子不見夫銜命邊庭死於

王事如陳公張公者乎

陳公名過庭張公名字發靖議康間為和議使咸死於敵中

禮靖康赴難建炎如華君傳君者乎

華君名初平靖康初為太常博士議

禮不屈事見李參政所作墓志傳君名崧卿建炎間敵侵浙東越守以城降公舉兵赴難越人賴之

是豈

異代之人邪又不見夫姚江陳公

陳公名橐

所臨有聲亦克

知退身名兩榮執政李公

李公名光

忤意權臣老於淪落世

賢其人愍孝蔡子捐生可悲同彼旌忠廟食于茲

蔡孝子名

定父以罪繫獄請代弗許遂自沉于河竟脫父罪事聞  
乎朝立廟號愍孝建炎間越守以城降敵班直唐琦奮  
執擊金人慢罵隱吏王君

王君名公衮手斬發塚之讐自投于府

斬讐著

而死廟號旌忠

名一門可稱賢父難兄茲固先生目所親覩也安知後

之視今不猶今之視古乎先生曰有君越人也知越之

風俗而已矣昔子虛夸雲夢烏有先生詫齊亡是公折

之以上林之事今越未足侔齊楚之大尚何足以誇之  
有君曰昔吳子問柳先生以晉國之事而柳以晉對今  
子真問余以越國之俗而余以越答亦各因其所問而  
及之爾余豈嘗然無聞無知於越之外哉今天子披輿  
地之圖思祖宗之績求治如不及見賢而太息文德既  
脩武事時閱蓋將舞干戚而服遠夷復侵疆而旋京闕  
余竢其車書同南北一倣吉甫美周室賦崧高歌吉日  
招魯公命元結磨蒼巖禿鉅筆頌中興紀洪烈邁三五

夏前牒亘天地昭日月於是窮章亥之所步攷神禹之  
所別覽四海九州之風俗掩兩京三都之著述騰萬丈  
之光芒有皇宋一統之賦出回視會稽蓋甄陶中之一  
物無妄先生自知失言色有餘媿乃與子真逡巡而避  
有君退而寄傲於南牕有飄飄凌雲之氣

民事堂賦

并叙

堂名民事志天語也某備員越幕歲將暮顧惟不才曹  
然無補日以敗官曠職為憂所幸黃堂主人甚賢同僚

皆士君子朝夕講論無非民事之要者因為之賦以志  
其一二云

緊越幕有下僚兮名所寓曰民事之堂誦天語之丁寧  
兮銜聖恩而不敢忘啖民脂以飽妻子兮猶雀鼠之偷  
太倉苟不民事之是思兮又將奚遑乎天殃嗟會稽之  
大府兮罹薦歲之凶荒颶風作於孟秋兮雨浸淫而異  
常天吳怒而江濤沸溢兮飄廬舍而壞隄防染盛害而  
歲大侵兮民餓踣而流亡射的黑而米斛千兮擷蓼花



而為糧

是歲饑民擷蓼花掘草根而食

痛瀕海之蚩蚩兮莖江魚之腹

腸

上虞縣淪死  
者幾百人

予嘗告其故於前使君兮請敷奏於巖

廊顧幕中平日之辨兮人迺靳其為狂會伯尊之傳召  
兮達民瘼於九重予殆有類於輦者兮亦何恨夫言之  
不庸洪惟當宁之至仁兮視赤子其如傷蠲常賦而救  
天菑兮出內帑之所藏哀東州之無告兮惠吾民以龔  
黃左公孝而右孟博兮相與協贊其惟良先撫字而後  
催科兮正今日之所當寬公私之積負兮以俟乎歲之

豐穰省訟牒之煩苛兮抑蠹政之豪強節無用之浮費  
兮俾斯民之小康茲政事之所急兮敢不忠告乎黃堂  
至若鑑湖利及九千頃兮日侵削而就荒歲和買無慮  
十萬縑兮曾無一錢之償權酷之利半奪於有力兮財  
賦浸以荒涼兼并之弊熾於大族兮編氓餒於糟糠茲  
又越中之巨害兮姑略言其大綱若夫民事之在天下  
兮固不足以知其詳有一言以盡之兮曰生之而不傷  
擇守令兮去姦賊慎弗擾兮如牧羊茲畎畝之惓惓兮

願入告于天王

蓬萊閣賦

并叙

越中自古號嘉山水而蓬萊閣實為之冠昔元微之作  
州宅詩世稱絕唱近代張公伯玉三章膾炙人口好事  
者從而和之獨未聞有賦之者某筮仕之初辱為蓬萊  
客廼者中秋之夕與同僚會飲于茲閣覽湖山之勝玩  
月於樽俎間即席賦詩諸公皆和既而念之閣不可以  
常登一詩不足以盡意遂從而賦焉

王子遊會稽客蓮幕登卧龍之山躡巨鰲之閣秀閱千  
巖流觀萬壑縱遠目於東州暢幽懷於廖閣于時天高  
氣肅秋色平分簪盍良朋把酒論文俯仰湖山懷古傷  
今登高賦詩以寫我心周覽城闉鱗鱗萬戶龍吐成珠  
龜伏東武三峰鼎峙列障屏布草木籠葱煙霏霧吐棟  
宇崢嶸舟車旁午壯百雉之巍垣鎮六州而開府東望  
稽山思禹之功喬松鬱乎故陵丹青儼於祠宮藏丹書  
於黽穴流遺畫於無窮南目秦望哀秦之過方鏡石以

頌德驕顏色以相賀嗟仙藥之不來俄腥風之已播西  
望夕陽送目蘭亭懷王謝之風流感斯文而涕零徒觀  
夫茂林脩竹鎖烟靄而冥冥北望滄海渺其無涯方吳  
門之畫龍視越國其如蛇轟雷鼓於一震虛吳國而成  
窪訪麗譙之故址第見乎古木之號鴟前瞻鑑湖滿目  
雲水嘉馬侯之偉績慕賀監之高軌祠荒兮遺迹半湮  
宅冷兮黃冠無幾徒有漁舟賈楫風樵航葦往來乎鷗  
鷺之鄉歟乃乎烟波之裏仰瞻高閣翬飛崔嵬俯瞰州

宅緬懷高才面無時之屏障家終日之樓臺長湖山之  
價於几席之上惜斯人之安在哉言未畢客有指斯閣  
而謂予曰子亦知夫閣之所以得名者乎蓋始於元和  
才子也以玉皇案吏之尊擁旌麾於千里也蓬萊隔弱  
水三萬里以筆力坐移於是也齊名有白從事有輩曾  
中有萬頃之湖真一代之奇偉也詩章一出遂能發秦  
望之精神增鑑湖之風采蘭亭絕唱亘古今而莫擬也  
子亦讀夫才子之傳否乎姑問訊其從何而來集乎彼

而至于此也才子之才固足以起吾子數百年之聳慕  
才子之所以獲侍玉皇者亦吾子之所喜攻而深恥也  
夫何惜之有予於是引客之手揚袂而起言契予心諾  
諾唯唯有是哉斯人也而至於斯也尚忍言之哉俄而  
鼓角作於人間明月出於林端妙三弄之梅花爛十分  
之銀盤醕一觴而徑醉有不盡之餘歡頃之陰雲忽興  
點綴青天漸山川之蒙籠若有妬乎嬋娟倚危闌而感  
慨覺興盡而思旋矣於是相與啜茗於清白之堂漱齒

於清白之泉閱唐宋之題名終夕為之慨然嗚呼噫嘻  
死者可作吾與誰歸其無出乎文正范公之賢

梅溪後集卷一



欽定四庫全書薈要卷一萬五千八百五十八

集部

梅溪後集卷二

宋 王十朋 撰

詩

丁丑二月二十一日集英殿賜第

太平天子崇儒術寒賤書生荷作成槐市育才叨舍選  
楓宸唱第冠時英聖恩寬大容愚直御墨褒嘉佩寵榮  
却笑劉蕡不遭際徒令紙上有虛名

遊天竺贈同年

雅會清時不易逢  
吾儕今日此遊從  
逼人英氣湖光瑩  
照眼恩袍草色濃  
文盛一時俱俊傑  
名先千佛媿疎庸  
致身許國宜相勉  
莫學平津但取容

贈閻同年

安中

飄飄吳蜀兩衰翁  
尊酒論文偶會同  
名在儒科雖後我  
言關國體豈如公  
休嗟世路多巇嶮  
共報君恩有樸忠  
此日遊從足可惜  
行將渭北與江東

閻和詩叙別再用前韻

我本東嘉田舍翁登科偶與蜀龍同  
盍簪經月欽高誼分袂令人念此公  
幕府可能淹俊傑宸襟應亦記精忠  
他年攬轡游吳越訪我茅廬浙水東

贈梁同年

介

君家錦水邊我居浙江東各在天一涯  
芳尊偶相同君方富青春勁氣吐長虹  
我老志亦衰倚麻媿蒿蓬會合已踰月  
周旋見高風久客思故鄉歸心各怱怱  
贈君無別言相期盡孤忠

次韻陳大監揆見贈

中興天子尤崇儒衆賢彙進如聯珠  
鄒枚待詔萃金馬  
臯夔接武相俞都策士初期異人出不尚虛文與聲律  
况當盛世多賈生晁錯豈容為第一自慙俗學非名家  
遺經獨抱居東嘉鹽太學浪十載豈有文許時人誇  
芻言旅奏宸庭策狂妄誤蒙明主擇生天偶在千佛先  
材劣名浮有餘責潁川丈人詩絕竒長篇勉我毋趨時  
欲報君恩答知己胷中耿耿何當施

次韻劉長方司戶見贈

楓宸昔羨君登第蓮幕今慚我効官相見可嗟頭并白  
老來自合量俱寬不嫌此日成名晚最喜平生取友端  
待報君恩知死所却同神武掛衣冠

陳大監用賞梅韻以贈依韵酬之

潁川丈人賢矣哉青眼喜為清流開詩章翰墨兩奇絕  
筆下一字無塵埃品題人物獎後進措紳樂善公為魁  
東嘉賤子生太晚猶幸識此真人才竭來西遊也不惡

錦囊所得俱瓊瑰區區科第何足道此行似為詩篇來  
客中拜貺更重複丙穴魚及郾筒杯

大監近以魚水見貺

寒鄉故

舊問歸橐首言帶得公詩回

大監復贈詩紙尾有留飮語再用韵以謝

平生漫學乎歟哉心茅習棘鋤不開得公新詩一再讀  
便覺習宇清無埃銀鈎妙畫發光艷照眼有如參與魁  
鰕生肺腑非太白公似工部尤憐才旅中屢獲錦綉段  
但媿欲報無瓊瑰豫章一榻不妄下賢非徐孺安敢來

荷公此意最敦篤一笑當奉論文杯鄉心如飛不可過  
更為長者遲遲回

謝榮帥薤贈御書孝經用陳大監韻

輦轂之下先彈壓茲言雖佳未足法丈人身居彈壓地  
撫字心勞民自洽神聖當天萬物春王畿共理嘉得人  
雲漢昭回賜優渥不特為公端為民聖經一章公獨得  
黃堂蔥鬱生春色賢哉名卿才大夫匪懈事君端可則  
石刻分餘猶及我榮耀驚聞浙江左從今部屋光屬天

更有寵褒雲八朶

某前日廷對蒙宸翰八字之褒

願公勉為不朽傳長

如治吳與治川要令列郡法青白了無一吏橫索錢

陳大監餞別用前詩珠字韵以謝

宸廷僥冒先諸儒寵褒况獲驪龍珠

謂宸翰也

青衫黃牒拜

君賜紅蓮綠水官留都明日扁舟欲東出訪別長憂礙

新律丈人呼酒如韓公賤子媿非張十一酒闌未放客

還家活火煎泉烹葉嘉西來頻下豫章榻盛事當作還

鄉夸始終尚賴公鞭策邪正途中知所擇捐軀誓報明



主恩青史庶逃千古責况公自是人中奇境鄰呂望逢  
明時行持從橐奉清問美惡願分嫫與施

用陳大監韵謝王國錄李羔見贈

吾宗神秀時名儒媚我三百隋侯珠野人不識希世寶  
但見照眼清而都我昔遥從鴈山出旅食賢關淹歲律  
雅欽陸子常患多更歎張融可無一長淮久絕誰起家  
青箱有君殊可嘉祠科得雋誚子厚何止文許後生夸  
我拙慚無濟時策老境初官尚何擇江南蓮幕君故鄉

竊比聊逃簡書責寒賤誤蒙君見奇祖別贈言榮一時  
明日東歸詫閭里五絕首稱虞伯施

陳郎中

公說

贈韓子蒼集

唐宋詩人六七作李杜韓柳歐蘇黃近來江西立宗派  
妙句更推韓子蒼非坡非谷自一家鼎中一鬻曾已嘗  
丈人珍重贈全集開卷爛然光焰長詩如此公固足貴  
賜出仁者尤難忘兼金白璧不足道願寶茲集為家藏  
鰕生幸脫場屋累老境欲入詩門墻古詩三百未能學

句法且學金陵陽

章季子贈端硯

有客贈端紫剛方如正人  
喬傳家萬石力助筆千鈞  
磨鐵嗟吾老著書欣爾新  
何當與毛穎相約侍嚴宸

次韻陳大監赴天申節宴

聖主仁心等南北燧息邊  
庭兵不宿兩階干羽來遠人  
大度端能包濮祝萬歲三呼  
誕彌月四海千秋太平曲  
宴開文德賜羣臣喜溢天  
顏明四目向來獻壽人誰在

元凱重登共鯨逐武夷戎監老風騷去國十年官始復  
捧觴首賦天保章遥指南山祝君福更獻曲江金鑑錄  
不但能歌連理木賤臣逢時最僥倖歸美寧辭管城禿  
願同韓愈頌元和兼美武公歌綠竹

謝李侍郎琳贈御書

君不見西京孝武稱材雄致治欲與唐虞同詔求賢良  
論闕政翻取曲學公孫弘又不見文宗在唐號儒雅制  
詔勤勤策羣下劉蕡切直棄不收卒使太阿歸宦者吾

皇策士親臨軒不為故事求空言猶疑有司効馮宿或  
恐前列登公孫九天賜下飛奎翰照眼昭回倬雲漢抑  
尚忠諛有訓詞品題高下由宸斷儒宗被命持文衡銀  
鈎拜賜恩非輕歸將闕石刊聖語分貺下及狂愚生畎  
畝惓惓蓄忠憤射策自慙言不盡他日倘陪鴛鴦行願  
効魏公攄底蘊

塗中得寶印叔二詩次韵

十年行役厭間關一第初收髮已斑重念此生難報處

君親恩德重丘山

雙親不見不勝悲  
銜恨何曾有住時  
二叔尚存俱白首  
歸來猶足慰衰遲

次韻寶印叔題壁二絕

風掃園林萬木殘  
道人眼界却宜看  
北牕趺坐對松栢  
人物青青俱歲寒

早已心潛不二門  
猶將土苴與人論  
未須隻履西歸去  
且作人間老世尊

萬府君挽詞

中 咏

不廢東平業思興畢萬門短檠書自照鐵硯志長存冠  
玉貧寧久蘭亭秀更蕃一門今盛大詩禮荷公恩

肯歎儒冠誤長隨舉子忙阿戎成雅志小阮發幽光原  
冷鵠猶近椿摧桂始芳老成嗟不見猶記貌堂堂

致政宋承事挽詞

蘭玉盈庭戲綵衣顏如童子壽期頤臨行四絕勝四偈  
遜世五休高五噫藍袖晚霑天子命芳樽首致使君詞

誰云汲冢藏書富應媿無公千首詩

張德惠挽詞

隱居高躅已茫然潛德如公亦足賢  
早見鄉評稱孝子晚聞詩史記凶年  
事殊伯道兒宜有行過王珪廟已先  
滿腹玄談共誰語九原歸去訪伊川

宿羅漢三絕

梵舍十八所道場皆矩羅茲獨號羅漢  
想應無漏多鴈蕩屢經眼箇中方再遊  
何時脫塵鞅來此飽清幽



故鄉從此去借問幾時還先

去聲

自思兄弟那堪宿鴈山

游大龍湫和前韵

十年重到大龍湫千尺新流勝舊流會見四方霖雨足  
老龍還向此藏頭

遊靈巖輝老索詩至靈峯寄數語

鴈蕩冠天下靈巖尤絕竒烟霞列屏障

烟霞障

日月明旌

旗

屏旗峯

崖前有卓筆

卓筆峯

可以書雄詞天聰况非遥

天聰

洞

涸然聽無疑願起靈湫龍霖雨行何為願用真柱石

天柱  
峯

永支廊廟危願煽造化爐

煽 鞫  
爐

四海歸淳熙願招

鸞鳳友

雙鸞  
峯

朝廷相羽儀何人夢石室

石室屬  
靈峯

妄誕夸

一時那能了世緣未免貪嗔癡名山誤見汗公議安可  
欺願借靈湫水一洗了堂碑詩以寄老禪狂言勿吾嗤

題瑞巖

鴈蕩看不足瑞巖游更貪鬪奇雖有媿蘊秀了無慙澗  
古水鳴玉寺幽山染藍忽忽一宿去未暇問三三

題天台國清寺

十里松聲接澗泉清音入耳夜無眠

寺有清音亭

宜於四絕

中稱絕

四絕事見寺碑

誰向三賢後更賢

豐干寒山拾得

寺就已無陳

日月

寺建於陳而成於隋

時清長是宋山川

初智者云此寺成國即清矣故號國清真

廟時賜號景德國清

明朝杖屨尋劉阮不待桃花入洞天

### 題大慈寺

巍嶺迢迢入翠微梵宮佛隴鎖烟霏斷碑古寺曾經眼

剛笑陳隋往事非

### 題石橋二絕

路隔仙凡意可通石橋容我踏長虹橋旁方廣人遊久  
不在登臨杖屨中

石橋未到已先知入眼端如入夢時

舊嘗夢遊

僧喚我為嚴

首坐前生曾寫此橋碑

天台石橋記乃永嘉僧嚴伯威書菴僧有說前生事者戲及之

萬年贈鄉僧賁老

夢魂驚斷石橋邊身帶烟霞入萬年賓主相逢意良厚  
永嘉縫掖永嘉禪

學通儒釋浩無邊江浙聲名二十年見說胷中有論語

欲從師向此參禪

貢能談  
論語

### 過鑑湖

朔風吹水鑑湖寒千里扁舟赴幕官  
路入蓬萊天尺五眼中見日與長安

### 民事堂

某誤蒙親擢贊幕會稽天語丁寧俾知民事聞命驚  
懼媿不克堪因榜所寓解舍曰民事堂庶幾朝夕不  
忘聖訓仍書五十六字以自警時紹興丁丑十有二

月也

親擢深蒙聖主恩宜知民事訓溫仰惟睿意思邦本  
要使書生識治原不憚勤勞馳禹會敢忘精白奉堯言  
他時上問蒼生事願竭孤忠慷慨論

臘月望日出郊探春游告成觀謁大禹祠酌菲  
飲泉遂至龍瑞宮觀禹穴薄暮而還

禹葬稽山不記年丹青落盡廟依然神文秘在藏書穴  
儉德流為菲飲泉龍瑞峯巒高近日鑑湖烟水濶浮天

東州佳處畧經眼自笑好奇如馬遷

采戢

采戢思越王也越有山名戢戢蔬類也王所嗜焉予  
嘗登是山故作是詩以思之

陟彼越山言采其戢我思古人中心悒悒維國有恥朝  
弗遑粒膽于坐隅霸勲以集陟彼越山言采其茗

越有  
卧龍

山勾踐舊治山有  
奇茗故次章及之

我思古人中心悒悒維國有恥夕弗

遑瞑焦心以治沼吳之境厥草匪甘厥蔬匪香維其味

之豈曰嗜之心焉孔焦膽焉亟嘗惟其苦之是以取之  
我陟高崗瞻望東越訪王之祀曠古有闕宜廟于山世  
享不絕何以薦之載茗是擷

秦望

秦望哀秦之過弔茲山之不幸也

瞻彼秦望崇于會稽曷云其崇登焉而崇孰登是山西  
方之人兮瞻彼秦望輕于會稽曷崇而輕名之以羸孰  
名是山東方之人兮我登稽山思禹之績吾儕不魚鱉



帝之力我瞻秦望哀秦之過虐彼黔首其誰之禍禹駕  
而遊夏民以休有翼其行稷禹是謀政轍而狩羸隨以  
仆孰稔其惡斯高左右孤竹兄弟殍于首陽山與其人  
嘉名孔章谿辱以愚泉汚以盜物之不幸名惡而暴淝  
濤如銀鑑流如紳濯彼崔嵬勿汚以秦

迎春遇雪

飛雪送殘臘帶花迎早春西疇農事及媿是不耕人

元日冒雪赴天慶觀

朝拜既趨府拜表還舍飲屠蘇酒因思去年元日亦  
不在家感而有作

幕府初官媿不才琳宮朝拜獲參陪藍輿去踏撓先雪  
蓬鬢歸銜最後杯禹穴地幽寒未歇堯天日近暖先回  
年年元日身為客孤負吾廬溪上梅

賀何正言用蔡君謨韵

御筆親除真諫官翕然輿論已騰歡正人得路言無諱  
聖主虛懷聽不難莫厭封章箴袞闕要令肝膽落毫端

鯁生雅服陽公德時把昌黎諫論看

寓小能仁寺即事書懷

小園青徑梅溪老綠水紅蓮越幕賓藥囊隨身多半夏

花枝照眼只常春

時苦疾嗽多服半夏  
解舍惟有常春一根

郡樓鼓角聽殊

遠僧舍鍾魚聞已頻  
牕外清風數竿竹  
澹然相對淨無塵

同莫教授朱縣丞朱司理遊西園

黎明出城郭偶作西園遊  
春淺花未都池寒綠初抽湖

山欲縱目烟靄浮不收初來興非淺心賞殊未酬賴有  
三君子清談洗牢愁更期春色濃携樽泛仙舟

次韵濮十太尉賞梅

春向羣芳頂上來可人風味亦奇哉未於茅舍疎籬見  
先為金枝玉葉開竹外橫斜纔數點笛中搖落已千堆  
因公撩我惜花意深憶去年湖上杯

題壽樂堂用東坡韵贈楊元賓僉判

蓬萊閣下蒼龍古萬壑千崖擁仙府壽樂堂西面卧龍

壑月崖風滿牕戶蒼松溜雨大十圍綠水浮荷深一股  
作堂主人久黃壤仁智風猶似鄒魯詩仙騎龍已上天  
妙句光芒照寰宇青山偃蹇只如昔高處去天無尺五  
楊侯淮泗老儒學文字撐腸筆風雨竭來贊幕古東州  
要與青山作盟主虛堂宴坐飽風月此外一毫端不取  
他日從公物外遊貝闕珠宮酌瓊乳

元賓贈紅梅數枝

江梅孤潔太絕俗紅杏酣酣風味薄梅花精神杏花色

春入蓮洲初破萼

花在壽樂堂前蓮渚中

膽瓶分贈兩三枝醒我

沉疴不須藥

時某以疾在告

願公及早辦芳樽酒暈冰肌易銷

落

解舍有脩竹數竿瀟洒可愛

誰栽牕外碧琅玕瀟洒尤宜老眼看寄語後人毋翦伐  
更須時為報平安

龍瑞道士贈蘭

有客贈芳友

曾端伯目蘭曰芳友

滿堂聞國香清含道流氣輕帶

羽衣黃綴佩風光別橫琴旨趣長重須尋禹穴一曲聽

揚揚

道士善琴

吳秀才

克家

以壽樂蓮洲中千葉梅花為贈酬

以詩

東君次第染羣芳更與南枝別樣粧水漲春洲浮鴨綠  
日烘花臉帶鵝黃雪中瓊蘂不多辦酒後玉肌無此香

謂紅梅也

玉潤冰清總佳士驛筒相繼贈春光

吳君乃楊發判婚

上丁釋奠備數獻官書十二韵呈莫子齊教授

趙可大察推

魯人呼東家陳蔡不火食當時雖高弟往往亦慍色孰  
知夢奠後廟祀亘無極鬼然衮冕尊王侯面俱北武成  
祭上戊龍棄配社稷隆殺良不同論功豈如德去載游  
上庠觀禮杏壇側備樂聞九奏銀袍爛千億茲焉客蓮  
幕濫與俎豆職登階瞻睿容炳晬若親識壯哉芹藻宮  
不減魯侯國歸賡泮水頌才劣慙史克

會稽三賢祠詩

并序



越有三賢祠曰吳先生曰唐侯曰蔡孝子吳先生名  
孜嘗事安定胡先生瑗以文行稱捨所居為府學有  
功於風教為多賢於許詢賀知章輩一等矣唐侯名  
琦建炎間越帥叛命以城降敵侯奮自行伍憤然袖  
執擊金人至死罵不絕口有靖康李忠愍風非古刺  
客比也蔡孝子名定以死贖父罪自沉于河與孝女  
曹娥相望於千載間異世而同烈某比因上丁至學  
見西廡吳先生有祠堂詢之莫教授而知其事因語

莫君宜有以記之異日坐幕府吏具郡祠歲所常祀者中有旌忠愍孝二廟某命吏訪其詳因得舊越守傅公崧鄉祭唐侯之文及蔡孝子所親撰銘誌與越人題跋奏狀等嘉歎者累日因作三賢詩以記其大畧庶幾好事君子相繼有作以發揚其幽光亦所以助吾君旌遺賢獎忠孝激勸風俗之一端也

吳先生祠

安定先生賢矣哉一時高弟俱英材訖然達者播廊廟

貧賤亦足光蓬萊會稽吳君更超絕至今士子猶能說

講堂鳴鼓規使君可使清風聳朝列

越中士人言昔府學初成太守張公

伯玉至學以便服坐堂下先生鳴鼓行學規太守欣然受其罰

求田問舍遺子孫錢愚

地僻何紛紛不惜池塘種芹藥一段奇事前無聞君不

見唐室蓬山稱賀老乞得鑑湖歸去好却將儒服變流

沙更遣門闌亦歸道又不見晉朝名士高陽公

許詢捨宅為寺

今大能仁是也

才名上下王謝中乃心欲出三界外山陰宅化

瞿曇宮先生識見高流俗不作二公緣禍福寄語多才

鄭廣文乞與毫端記高躅

旌忠廟

國家往往艱難中  
搢紳節義掃地空  
靖康有一忠愍公  
建炎獨有唐侯忠  
唐侯爵位何曾隆  
身居行伍儕羆熊  
平生經史漫不通  
嚴霜烈日蘊在衷  
憤然一奮不顧躬  
太尉奪笏嗟忽忽  
子房鐵椎計已窮  
張巡就縛氣尚雄  
杲卿鋸解罵未終  
忠血義肉塗地紅  
烈氣英魂薄蒼穹  
事驚朝野聞帝聰  
立廟旌忠浙江東  
睢陽雙廟同高風

名書青史等岱崧誰使吾民陷棘叢貽臭千古如蛆蟲

愍孝廟

我昔嘗讀黃絹碑長嘆越國無男兒孰知種山山水  
千載有此一段奇嗚呼哀哉蔡孝子風烈遠過恢與羈  
乃翁白首困縲紲半年不脫兒心悲請身荷械代父罪  
或甘黥涅居軍麾况遇兵興擊叛卒身先矢石死不辭  
當時非無賢太守

時越守  
翟公

孝子抱志終不施人間無路

可赴訴投命河伯祈天知自為銘誌及訟牒欲翹以魂

贖以屍情哀意切語不怨孝與忠厚俱天資臨河更効  
結纓死顛沛於禮曾無虧父脫累囚子願畢身在九泉  
甘若飴名聞九重獲旌表賜廟愍孝風華夷胡為祠宇  
許一間破屋河之湄未聞設誄有度尚絕妙更欠  
祠我來贊幕欽孝烈顧瞻廟貌成吁嘻他年太史  
作佳傳願於紙尾書吾詩

梅溪後集卷二



總校官庶吉士臣侍朝

校對官中書臣金光悌

謄錄監生臣陳秉寧

欽定四庫全書薈要

集部

梅溪後集卷三

五

詳校官助教臣謝登雋





欽定四庫全書薈要卷一萬五千八百五十九

集部

梅溪後集卷三

宋 王十朋 撰

詩

某比緣職事朝拜殯宮瞻望松栢愴然悲涕遂  
成小詩



宗觀升平主神遊在九霄稽山嗟葬禹寰海痛思堯天  
上仙宮別人間寶祚遥微臣望松栢魂思黯然銷  
鑑湖行

蒼蒼涼涼紅日生  
葱葱鬱鬱佳氣橫  
鑑湖春色三百里  
桃花水漲扁舟行  
花間啼鳥傳春意  
聲落行舟驚夢寐  
胡牀兀坐心境清  
轉覺湖山有風味  
鑑中風物幾經春  
身在鑑中思古人  
禹迹茫茫千載後  
疏鑿功歸馬太守  
太守湖成坐鬼責  
後代風流屬狂客  
狂客不長家鑑湖  
惟有漁人至今得  
日暮東風吹棹回  
花枝照眼入蓬萊  
回首湖山何處是  
欸乃聲中畫圖裏

禹廟歌

君不見逢蒙英雄吞四海血祀初期千萬載稽山木像  
棄長江逆泝波濤鬼無餒鳥喙辛勤十九年平吳霸越  
世稱賢故國無人念遺烈山間廟貌何淒然馬守開湖  
利源迥歲沃黃雲九千頃年來遺迹半湮蕪廟鎖湖邊  
篆烟冷吳越國王三節還盡將錦綉裹江山自從王氣  
熄牛斗廟比昭王屋一間廼知流光由德厚祀典誰能  
如夏后九年洪水滔天流下民昏墊堯心憂帝懼萬國  
生魚頭錫禹洪範定九州功成執玉朝冕旒奔走訟獄

歸歌謳南巡會稽覲諸侯書藏艸穴千丈幽蟬脫塵寰  
不肯留千古靈廟依松楸吾皇盛德與禹侔菲食卑宮  
惡衣裘思禹舊績祀事脩小臣效職躬薦羞仰瞻黻冕  
懷遠猷退惜分陰慙情偷嗟乎越山高兮可夷而丘鑑  
湖深兮可理而疇惟有禹貢聲名長不朽告成世紀無  
時休

道觀名  
告成

與趙安撫乞疏獄

小麥青青大麥熟秧老欲移蠶欲簇皇天彌旬作淫雨

害及農桑一何酷麥枯秧腐蠶不繅無食無衣豈能育  
使君今世賢方伯政過龔黃同舜牧餽金蠲放官與私  
喜氣歡聲傾比屋仁風已慰黎庶心誠感蒼穹理宜速  
胡為烝泄尚如許陰沴于陽理日轂豈惟泥濘困牛車  
更恐魚龍上平陸閭閻競盡指日蠻香火遥祈上天竺  
傷和無乃有冤民蠹政尚疑多大族使君有術開青天  
按劾奸贓疏滯獄

次韵濮十太尉詠知宗牡丹七絕

憶昔洛陽花盛日品第况逢歐六一姚黃一品價無雙  
更有左花千葉密

月陂春色滿花枝國色天香照雪肌當日栽培恐無地  
如今誰保舊園池

開元往事感傷中遺種猶餘一楸紅借問通宵配妃子  
何如及早念姚崇

春色遙興洛陽念風俗聊於記中驗今日苧羅山下魂  
猶向人間吐妖艷

地近堯天饒雨露花王窈窕多風度書生不辦買花錢  
空解搖毫為花賦

香苞初拆曉霞凝甲第名園冠紹興玉葉金枝老詩伯  
更將好語為褒稱

造化無私處處芳家山想見亦春藏無端竊祿身為客  
孤負吾廬十八香

送僧遊徑山

潛澗家風不蕪沒禪講說盡瓜葛如今更有奇兒孫

雲水飄然繼衣鉢徑山禪伯僧中龍向來名節真無雙  
我昔題詩已推許兩度相逢不曾語子今此行真得師  
掃除妄想叩深機我待衣冠掛林下遲子歸來話瀟灑

三月晦日邵憲

大受

宴僚屬于西園某與焉趙

提幹

濬

即席賦詩次韵

送春開宴種山西翠幄重重眼界迷一段清和人共物  
十分幽勝地臨溪鴛鴻曲水閣中集嬰燕落花枝上啼  
賢榻獲陪文字飲不嫌蹤跡間雲泥



送昌齡弟還鄉兼簡夢齡

束書千里赴王畿，戰藝關事偶違鑑。水天高鴻鴈集，  
左原山遠鶻鵒啼。夜林風雨客情惡，春草池塘詩思飛。  
勉力還家對燈火，待看雙桂擢秋闈。

赴

時二弟赴補偶遣  
昌齡還鄉夢齡留

糶米行

詔書發廩周饑荒，使君減價糶黃梁。奉行上意固已良，  
小人用心胡不臧。斛米大半雜以糠，橫索民錢名貼量。

怨語嗷嗷盈道傍我慙寸祿偷太倉見之不言咎誰當  
言之人指為輕狂作詩聊語同舍郎

送會稽林簿

日華

棄官還鄉

望秦秦望山蒼蒼未秋先作歸意濃三山深處孟園好  
林簿家 松菊恨君歸不早拂衣高舉追冥鴻不將詩別  
有孟園

乖崖翁年來處士徑尤捷美秩清資等閒躡君獨高歌  
慕隱淪林下何曾見一人芋魁豆飯吾亦有深媿折腰  
貪五斗

戊辰歲嘗和韓退之贈張徹詩寄曹夢良至今  
十年夢良方和以寄因贈一絕

欲識交情久遠期十年方和和韓詩他時更踐詩中語

偕隱谿山不可遲

某舊詩云有溪山  
昔隱風雨無獨聽

送趙可大如剡西

幕府遊從盛一時人人襟宇更瑰奇西風莫作鱸膾戀  
越國江山日要詩

中秋賞月逢萊閣呈同官

中秋翫月小蓬萊風送嬋娟入座來樽俎論文清有味  
湖山照眼淨無埃雲生脚底蛟龍卧影落人間鼓角催

時方見月  
鼓角聲動

把酒問天兼問月何時此夜更銜盃

中秋見月方以為喜既而陰蔽意殊不滿東坡  
云良天佳月即中秋不以日月斷也諸君有醵  
會之約復用前韻

中秋玩月小蓬萊雲掩清光不放來頗覺襟懷增梗槩  
欲凭欄檻掃氛埃清宵忍放嘉賓散明日還驚俗務催

底用區區校時節良天佳月即傾杯

記夢

九月初四夜夢侍先人遊家之南觀田園闢徑於杉林之間昌齡弟亦侍其側指杉徑云此異日歸去來之路也覺而思之杉徑者三徑也淵明之事先君默啓之矣書以記之

夜夢隨先君梅溪策藜杖杉徑早開闢歸休預標榜魂思驚曉醒精神發秋爽披衣照孤燈洒涕書惚恍

士人僧道俱贈巖桂

巖桂來三家清標共秋風聯芳近禹穴擢秀疑蟾宮膽  
瓶金粟妍鼻觀天香通無心妄區別妙契將無同

府更有以老求退者詢其年猶未六十詰其去  
之由云欲全身避禍耳予善其知機勇退可以  
媿嗜進之士夫有感而作

升高蟪蛄墮粘壁蝸牛枯措紳鳩梁肉是亦蝸蛄徒抽  
身簋楚中勇退媿此胥衣冠與刀筆未可分賢愚

觀習水勝

漢武英雄思拓邊  
昆明習戰遺風傳  
吾皇仁心異武帝  
思患姑為預防計  
爾曹生長行伍間  
操舟習水便宜閒  
異日捐軀宜報國  
勿效水鳥為盜賊

世之善水勝者多為盜竊目曰水老

鳥

龍瑞道士贈岩桂

岩桂遙從禹穴來  
天香全似月宮栽  
金風淒峭飄龍腦  
想見吾廬爛熳開

九日登戴山

九日同登古戴山，眼明天濶興清閒。  
杯傳但覺歡無盡，帽落俄驚髮已斑。  
鄉思遙馳三徑裏，秋聲近在八松間。  
茱萸未許陪朝士，賴有清流數往還。

夢齡九日有詩兼懷昌齡次韵

長記去年今日好，門外秋香噴沉腦。  
弟兄隣里同登高，把菊行觴樂非少。  
山殽海錯鄉味佳，銀瓶索酒不用賒。  
醉中不記脫巾卧，明日頭上猶黃花。  
今年豈不欲行樂，



竊祿東州官事東那堪送酒無白衣旋糴黃梁買桑落  
何如與子俱休休誰能長抱離鄉憂移書問訊惠連弟  
三徑許我歸來不

余前此有歸興昌齡以為不可數以書來相勉故及之

贈莊童子

名大成  
福州人

日誦千言七歲兒方員動靜早能知還家更讀韓公序  
器業他年必大奇

送朱丞

一片秋懷似亂雲不堪行客話離羣紅蓮綠水尚留我

鉅竹老槐深憶君千里從今遙共月一樽何日更論文

好將平昔家傳學勉力登朝立世勲

朱故丞  
相之子

贈夢齡兼懷昌齡

我緣竊祿寓東州子亦相從千里遊鐵硯功名壯心在  
短檠燈火夜窓幽治書朝錯宜登第射策公孫定取侯  
他日三人老兄弟結廬相共保松楸

和夢齡十月朔日書懷

歲事遽如許玄冥威欲伸地爐猶未火客坐况無茵日

短驚瞻昴天寒怯報寅

予每以五更趨府而性尤怯寒

尤憐對牀弟尚

與短檠親

贈喻叔奇縣尉

叔奇攝職會稽公事之暇必訪僕於民事堂終夕論文欣然相得輒成小詩見意

同舍同年友天資迥不羣詩文侵晉宋兄弟類機雲梅市訪仙侶蘭亭懷右軍

叔奇嘗集蘭亭序作詩五絕

公餘時過我無

酒亦論文

贈王吉老縣尉

王吉老眇然一書生也能手斬凶人以報母讐申冤  
請罪自投于府識與不識莫不壯之東嘉王某作詩  
以紀其事好事君子必繼有發揚之者

臣子大節孝與忠父母仇讐天不同賢哉會稽王孝子  
感槩有古烈士風松楸一夕盜破冢親獲鼠輩聞之公  
有司守法貸其命孝子銜恨無終窮誰謂書生膽如許  
貌若虺羸中甚武手斬凶人提髑髏請死申冤詣公府

君不見齊襄內行世所羞春秋墮之緣復讐又不見子  
胥鞭屍報父怨太史為之作佳傳君今枕戈志已伸更  
須移孝為忠臣他年當作傅介子誓斬樓蘭雪國恥

十月望日買菊一株頗佳

秋去菊方好天寒花自香深懷傲霜意那肯媚重陽  
菊晚不害好固宜登我堂書生自頭白奚用泣馨香

聞詩生日

十月十六日

良天逢十月嘉節過三元汝父初生子

聞詩吾長子也

吾親喜

抱孫長成今若許氣習有餘溫鴈序自相友麟經可與  
言志宜存遠大學必探淵源但務勤修德年齡不用論  
十月十六日欲與夢齡弟及聞詩聞禮同遊蘭  
亭仍約喻叔奇偕行會天氣不佳喻亦以疾辭  
出門而止兀坐終日懷抱殊惡

我欲遊蘭亭天氣殊不佳同行感微恙杖屨不可偕出  
門興遽闌茲遊竟未諧遺文閱永和聊用慰此懷

和喻叔奇集蘭亭序語四絕

我自扁舟入越初蘭亭已向夢中如崇山峻嶺至今阻

唱和詩成無處書

前日具筆硯治詩牌竟不成往

羣賢少長畢經過曲水流觴憶永和一代風流已陳迹  
世殊事異感傷多

晤言一室許誰親相過無非我輩人放浪形骸嗟老矣  
仰觀宇宙尚艱辛

茂林脩竹未成往遊目騁懷聊自欣暢叙幽情有齊契  
一觴一詠細論文

和韓退之晚菊贈喻叔奇

嘉菊何太晚十月纔黃花既晚好何益三嗅良可嗟開  
日乃佳節芳樽對年家今夕苟不飲如此黃花何

夜讀書于民事堂意有所感和韓公縣齋讀書

韵

宦遊寓幕府幽懷屬山林兀坐牕几間默求聖賢心沉  
潛偶會意嘆息常彌襟世塗豈能驚古道聊自斟魁穴  
思欲探丹書未容尋青銅每自照白髮已見侵事業浩



無窮筋力媿不任丈夫固有志寧在官與金

李資深贈古瓦硯及詩

世貴銅雀硯常患偽亂真千金買渴雀虛名何足珍李  
生心好古身困道不貧得此佳陶泓製由萬道人慇懃  
持贈我器古詩清新置之窓几間日與毛穎親未能草  
太元姑用注獲麟羅文及端紫貴幸無比倫屈爾居蓬  
牕與我同艱辛研磨媚權貴揮染勞精神茲我所不敢  
銘以書諸紳

喻叔奇惠川墨

子墨客卿來自蜀綉川家藏尤不惡明牕研磨出珠玉  
客卿於君德良渥嗟予經年客蓮幕交絕方兄蒞囊橐  
文房諸子亦蕭索同年於予契非薄特遣卿來助予學  
不才拜賜心愧忤客卿之意殊不樂陶泓毛穎登臺閣  
陳玄待詔同著作卿從予游失所託惟清惟靜惟寂寞  
但有詩篇日酬酢

戴夫人挽詞

同年姚筠教授母

勤儉肥家福亦肥晚年門戶更光輝滿庭蘭玉俱藍袖  
照眼雲仍盡綵衣方外客携因果去月中人折桂枝歸  
回頭往事夢幻影丹旄五雲原上飛

和趙可大四絕

僧居岑寂異官居索句搜腸撚斷鬚那更雨中思底事  
夢魂歸到種山隅

右僧舍雨中

杜宇聲中春欲歸少陵老淚不禁揮與君共被浮蜩誤

不似淵明早見機

右聞子規

唾手科名尚少年無窮事業更居前辛勤不寐思經意  
却笑邊韶好晝眠

右不寐

萬壑千岩擁越岡朝陵追念舊天王自嗟無路攀弓劍  
尚忍興言及虎狼

右朝永祐陵

送黃機宜游四明

名子魯

遊宦東州識老成，坐間談笑欲風生。  
人如元祐氣尤直，詩不江西語自清。  
雪棹非緣尋舊隱，夜牀端欲對難兄。  
行聞太史奏星聚，四皓聯珠臨四明。

黃兄弟四人皆皓首，號所居曰橘隱。

堂

盧仁及縣丞挽辭

妙齡才譽冠東嘉，百戰功成暮景斜。  
人在盧前有慙色，禮從戴後獨名家。  
藍田美績誰能記，絳帳奇兒最可夸。

鄉里搢紳官業冷因公淪落倍興嗟

贈術者

枉道貴何益正塗窮亦榮誰辭談義命試問小君平

遊天衣寺

拂曉藍輿出蠡城稽山照眼鑑湖明千岩深處十峯好  
萬壑流中雙澗清香靄噓成普賢像風松吹作法華聲  
靈鳥不肯來城郭長伴高僧避寵榮

次梁尉韵

探春連騎入山城更喜梅仙亦會盟

梁後至

文字偶同吾

輩飲聖賢滿為使君傾

安撫尚書以僚屬遊山送酒六十樽諸公自山中回晚集于教

授廳為文字飲

詩逢好境天然好山為清流分外清瀟灑宗之

最年少我慙叨預八仙名

梁最年少

### 酬陸宰用梁尉韵

收拾湖山付管城士衡獨步長文盟湧泉詩思逼人徒  
屑玉笑談終席傾天色亦緣吾輩好路人能道長官清  
要令巧匠鐫山骨記取同行八士名

和喻叔奇遊天衣四十韻

稽山高入雲鑑湖濶浮空禹秦有餘迹晉宋多鉅公我  
來歲及周夢寐懷清風茲欣天氣佳扶桑欲曛矺駕言  
天衣遊盍簪盡駕鴻經夕戒行李如期集仙宮

早曾于  
天長觀

聯騎出城南行行指秦峯千岩競吐秀眼界清無窮招  
提在何許十里松陰濃林端忽鐘磬與客為先容羣簪  
擁花界雙佩鳴寒空試將比天台大畧如思豐

天台國  
清山水

秀絕有思豐  
堂尤可觀覽

首讀邑浩碑妙理開昏蒙細觀元白詩丘



怪羅胸中蕭壁尚堪面

寺有面壁  
二大字

梁新幾經烘

寺有梁  
時薪火

見李公  
垂詩

茲宮現有相禪客談無同朝陽最斬絕白雲抹

其胃

朝陽岑  
最奇

杜鵑天下無至今映山紅鷄僧始開山道

業聞清衷思舉照不起高價傾江東袈裟縷黃金宮女

自針工昭明親抱送禮意何太恭白馬忽渡江臺城喪

英雄國破遺衣在丹青落塵容

寺舊有梁昭  
明太子畫像

我輩皆書

生意氣飄如虹螭屐共尋幽寧求香火功載酒懷賀老

招隱思戴顓賦詩效吹臺一飯敢不忠況我賢使君德

宇尤踈通楚醴餉百榼白衣走山中嗟余何為者天資

媿倥侗謬與酒中仙偶同戴山松

戴山有八松

同年妙詞章

况有山水供古詩如古琴山高水溶溶背囊小奚奴捧

硯長鬚僮

叔奇題名

勝遊與佳作二美今具逢品題徧羣英

波瀾及孤蹤掬水弄華句比擬何凡庸

掬水月在手弄花香滿衣乃于

良史遊天衣寺詩也

茲會如蘭亭同行類荀龍盛事在詩史奚用

呼畫工

梅溪後集卷三